



# basic education

Department:  
Basic Education  
**REPUBLIC OF SOUTH AFRICA**

## **NATIONAL SENIOR CERTIFICATE**

**KREITI YA 12**

**SEPEDI LELEME LA GAE (HL)**

**LEPHEPHE LA BORARO (P3)**

**DIBATSELA 2022**

**TLHAHLO YA GO SWAYA**

**MEPUTSO: 100**

**Palomoka ya matlakala a tlhahlo ya go swaya ke 11.**

**ELA HLOKO:**

- Diriša rubriki ye ge o swaya ditaodišo (Lephephe la 3, KAROLO YA A).
- Meputso ya 0 - 50 e arotšwe ka magato a mahlano a ditlhalošo.
- Mo go diteng, polelo le mongwalelo, le legato le lengwe le le lengwe la magato a ditlhalošo a mahlano le arotšwe ka dikarolwana tše pedi, e lego legato la godimo le la fase go lebeletšwe kabo ya meputso le ditlhalošo.
- Sebopego ga se sa arolwa ka legato la godimo le la fase.

**KAROLO YA A: RUBRIKI YA GO SWAYA DITAODIŠO [MEPUTSO YE 50]**

Dinyakwa		Bokgoni bja go ikgetha	Bokgoni bja maemo	Bokgoni bja magareng	Bokgoni bja motheo	Ga go bokgoni
<b>DITENG LE PEAKANYO</b>  (Go araba dipotšišo) Tatelano ya dikgopolo ge go dirwa peakanyo. Temogo ya morero, baamogedi ba tshedimošo le dikamano.  <b>MEPUTSO YE 30</b>	<b>Legato la godimo</b>	<b>28–30</b> -Bokgoni bja go araba potšišo ke bja maemo a godimodimo go fetiša. - Dikgopolo tša go laetša bohlale, tša go hlohla mabjoko tšeo di tšweletšago tsebo ye e tseneletšego. -Peakanyo le tlemagano ke tšeo di ikgethilego mo go matseno, mmele le mafetšo.	<b>22–24</b> -Potšišo e arabilwe gabotsebotse. -Dikgopolo di kgahliša kudu ebile di sepelelana le hlogo/sererwa. -Peakanyo le tlemagano ya dikgopolo ke tše dibotsebotse mo go matseno, mmele le mafetšo.	<b>16–18</b> -Karabo e a kgotsofatša. -Dikgopolo di tlemagane ebile di a kgodiša. -Peakanyo le tlemagano ya dikgopolo ke tše dikaone mo go matseno, mmele le mafetšo.	<b>10–12</b> -Tlemagano ya dikgopolo ga se ya maleba. -Dikgopolo ga di tšwelele gabotse ebile ga di bontšhe boitlhamelo. -Tatelano le tlemagano ya dikgopolo di tšwelela gannyane.	<b>4–6</b> -Molekwa o tšwele tseleng kudukudu. -Dikgopolo di hlakahlakane ebile ga di nepiše. -Dikgopolo ga di nepiše hlogo ebile di a ipoletša. -Ga go tatelano le tlemagano ya dikgopolo.
		<b>Legato la fase</b>	<b>25–27</b> -Bokgoni bja go araba potšišo ke bja maemo a godimodimo. -Dikgopolo tša go laetša bohlale, tša go hlohla mabjoko tšeo di tšweletšago tsebo ye e tseneletšego. -Bokgoni bja maemo a godimo bja go beakanya le go tlemaganya dikgopolo mo go matseno, mmele le mafetšo.	<b>19–21</b> -Potšišo e arabilwe gabotse. -Dikgopolo di a kgahliša ebile di sepelelana le hlogo/sererwa. -Peakanyo le tlemagano ya dikgopolo ke tše dibotse mo go matseno, mmele le mafetšo.	<b>13–15</b> -Potšišo e arabilwe ka mo go kgotsofatšago eupša ga se ya hlaka gabotse. -Tlemagano ya dikgopolo e a kgotsofatša ebile e a kgodiša. -Peakanyo le tlemagano ya dikgopolo di a kgotsofatša mo go matseno, mmele le mafetšo.	<b>7–9</b> -Molekwa o tšwele tseleng. -Dikgopolo di hlakahlakane. -Ga go peakanyo goba tlemagano ya dikgopolo yeo e tšwelelago.

<p><b>POLELO, MONGWALELO LE PALOBOHLATSE</b></p> <p>Segalo, retšistara, mongwalelo, tlotlontšu ya maleba ya morero le dikamano. Kgetho ya mantšu. Tirišo ya polelo le melawana, maswao, popopolelo le mopeleto.</p> <p><b>MEPUTSO YE 15</b></p>	<p><b>Legato la godimo</b></p>	<p><b>14–15</b></p>	<p><b>11–12</b></p>	<p><b>8–9</b></p>	<p><b>5–6</b></p>	<p><b>0–3</b></p>
		<p><b>13</b></p>	<p><b>10</b></p>	<p><b>7</b></p>	<p><b>4</b></p>	<p></p>
<p><b>SEBOPEGO</b></p> <p>Dinyakwa/dipharolo gantšho tša setšweletšwa. Tšwetšopele ya ditemana le tlhamo ya mafoko.</p> <p><b>MEPUTSO YE 5</b></p>		<p><b>5</b></p> <p>-Tšwetšopele ya sererwa ke ya maemo a godimodimo. -Tlhalošo ya dikgopolo ke ya maemo a godimodimo. -Tlhamo ya mafoko le ditemana ke ya go ikgetha, ya maemo a godimodimo.</p>	<p><b>4</b></p> <p>-Tatelano ye botse ya tšwetšopele ya dintlha. -Tlemagano ye botse ya dintlha le dikgopolo. -Mafoko le ditemana di beakantšwe ka makgethe.</p>	<p><b>3</b></p> <p>-Dintlha tša maleba di tšweleditšwe. -Mafoko le ditemana di hlamegile gabotse. -Taodišo e a kwagala.</p>	<p><b>2</b></p> <p>-Dintlha tša maleba ga se tše kae. -Mafoko le ditemana di na le diphošo. -Taodišo e a kwagala eupša e na le mafokodi.</p>	<p><b>0–1</b></p> <p>-Dintlha tša maleba ga di gona. -Mafoko le ditemana di fošagetše. -Taodišo ga e kwagale.</p>
	<p><b>Legato la fase</b></p>	<p>-Polelo ya maemo a godimodimo ya go ba le segalo se maatla. -Go nyakile go se be le ge e ka ba phošwana e tee ya popopolelo goba mopeleto. -Polelo e beakantšwe ka bokgwari.</p>	<p>-Polelo ke ya maemo a godimo ya go ba le maatlakgogedi. -Segalo ke sa maleba sa go ba le maatlakgogedi. -Go na le diphošwana tše nnyane tša popopolelo le mopeleto. -Polelo e beakantšwe gabotse.</p>	<p>-Tirišo ya polelo e a kgotsofatša eupša e na le diphošo. -Segalo se a kgotsofatša eupša mebolelwana ga se ya dirišwa o kaalo.</p>	<p>-Polelo ga e kgotsofatše. -Ga go phapantšho ya mafoko. -Tlotlontšu ga se ye kaalo.</p>	<p>-Polelo ga e kwešišagale. -Segalo, retšistara, setaele le tlotlontšu ga di sepelelane le morero, baamogedi le dikamano. -Tlotlontšu ke ye nnyane kudukudu moo e lego gore e dira gore ditaba di se kwešišagale.</p>

**KAROLO YA B: RUBRIKI YA GO SWAYA DITŠWELETŠWA TŠE TELELE TŠA TIRIŠANO [MEPUTSO YE 25]**

Dinyakwa	Bokgoni bja go ikgetha	Bokgoni bja maemo	Bokgoni bja magareng	Bokgoni bja motheo	Ga go bokgoni
<p><b>DITENG, PEAKANYO LE SEBOPEGO</b></p> <p>Go araba dipotšišo le dikgopolo. Tatelano le peakanyo ya dikgopolo. Morero, baamogedi, dinyakwa/dipharologantšho le dikamano.</p> <p><b>MEPUTSO YE 15</b></p>	<p><b>13–15</b></p> <p>-Bokgoni bja go araba potšišo ke bja maemo a godimodimo go fetiša. - Dikgopolo ke tša go laetša bohlae, le go mabjoko. -Tsebo ke ye e tseneletšego ya dinyakwa tša mohuta wa setšweletšwa. -Ditaba di nepiša setšweletšwa thwi. -Tlemagano ya diteng le dikgopolo ke ya maemo a godimo. -Tlhalošo ya ditaba ke ya maemo a godimo ebile e thekga sererwa. -Sebopego ke sa maleba sa go sepelelana le setšweletšwa.</p>	<p><b>10–12</b></p> <p>-Bokgoni bjo bobotsebotse bja go araba potšišo bjoo bo laetšago tsebo ye botse ya mohuta wa setšweletšwa. -Ditaba di nepiša setšweletšwa. -Molekwa ga se a tšwa tseleng. -Tlemagano ya diteng le dikgopolo ke ye botse. -Tlhalošo ya ditaba ke ye botse ebile e thekga sererwa. -Sebopego ke sa maleba eupša se na le diphošwana di se kae.</p>	<p><b>7–9</b></p> <p>-Bokgoni bja go kgotsofatša bja go araba potšišo bja go laetša tsebo ya mohuta wa setšweletšwa. -Go na le nepišo eupša go na le go tšwa tseleng gannyane. -Tlemagano ya dikgopolo le dikamano e a kgotsofatša. -Tlhalošo ya ditaba e a kgotsofatša ebile e thekga sererwa. -Sebopego ke sa maleba eupša se na le diphošo tše dintšinyana.</p>	<p><b>4–6</b></p> <p>-Bokgoni bja motheo bja go araba potšišo bja go laetša tsebo ye nnyane ya dinyakwa tša mohuta wa setšweletšwa. -Go na le nepišo ye nnyane ya setšweletšwa eupša go na le go tšwa tseleng. -Tlemagano ya diteng le dikgopolo ga se ye kaalo. -Tlhalošo ya ditaba ke ya motheo ebile e thekga sererwa gannyane. - Melao ya sebopego ga se ya šomišwa ka tshwanelo. -Go tlogetšwe dintlha tše bohlokwa.</p>	<p><b>0–3</b></p> <p>-Karabo ya gagwe ga e laetše tsebo le ye nnyane ya mohuta wa setšweletšwa. -Molaetša ga o tšwelele gabotse ka ge molekwa a tšwele tseleng kudukudu. -Ga go tlemagano ya diteng le dikgopolo. -Ditaba di hlalošwa gannyane. -Sebopego sa setšweletšwa ga se sona.</p>

<b>POLELO, SETAELE LE PALOBOHLATSE</b>	<b>9–10</b>	<b>7–8</b>	<b>5–6</b>	<b>3–4</b>	<b>0–2</b>
<p>Segalo, retšistara, setaele, morero, baamogedi le dikamano. Tirišo ya polelo le melawana. Kgetho ya mantšu. Maswao le mopeleto.</p> <p><b>MEPUTSO YE 10</b></p>	<p>-Segalo, retšistara, setaele le tlotlontšu di sepelelana gabotsebotse le morero, baamogedi le dikamano. -Polelo e nepagetše ebile e hlamegile gabotse. -Go nyakile go se be le ge e ka ba phošwana e tee ya popopolelo le mopeleto.</p>	<p>-Segalo, retšistara, setaele le tlotlontšu di sepelelana gabotse le morero, baamogedi le dikamano. -Polelo e na le dipošo tše nnyane tša popopolelo ebile e hlamegile gabotse. -Tlotlontšu ke ye ntši. - Dipošo ga se tše dintši.</p>	<p>-Segalo, retšistara, setaele le tlotlontšu di sepelelana le morero, baamogedi le dikamano. -Dipošo tša popopolelo ga se tše dintši. -Tlotlontšu ke yeo e lekanetšego. -Dipošwana tšeo di lego gona ga di fetošo molaetša.</p>	<p>-Segalo, retšistara, setaele le tlotlontšu ga di sepelelane gabotse le morero, baamogedi le dikamano. -Popopolelo ga se yeo e nepagetšego ebile e tletše ka dipošo. -Tlotlontšu ga se ye ntši. -Molaetša o a tšwelela eupša o arošitšwe.</p>	<p>-Segalo, retšistara, setaele le tlotlontšu ga di sepelelane le morero, baamogedi le dikamano. -Sengwalo se tletše ka dipošo ebile se hlakahlakane. -Tlotlontšu yeo e lego gona ga e sepelelane. le morero le gannyane -Molaetša ga o tšwelele le gannyane.</p>

**ELA HLOKO:**

- Dintlha tšeo di filwego ka tlase ga hlogo ye nngwe le ye nngwe ke tša go hlahla baswai fela.
- Kwešišo ya molekwa ya hlogo yeo a e kgethilego e elwe šedi le ge dintlha tša gagwe di fapana le tšeo di filwego.

**KAROLO YA A: DITAODIŠO****POTŠIŠO YA 1**

Balekwa ba ngwale taodišo ya mantšu a 400–450 ka hlogo e tee ya tšeo di filwego. Ba ka ngwala ka mehuta ye e latelago ya ditaodišo: Taodišokanegelo, taodišotlhaloši, taodišokgadimo, taodišokahlaahlo, taodišongangišano goba tswalano ya tšona.

- 1.1 **Letšatši leo, e bile le letelele kudu bophelong bja ka.**  
Go letetšwe gore molekwa a anege tiragalo/ditiragalo tša letšatši leo tše di dirilego gore a fetše a re e bile le letelele. Tiragalo/ditiragalo tše e tla ba tša go se be bose. [50]
- 1.2 **Tlhatlogo ya ditheko tša makhura ke lešitaphiri ka nageng.**  
Go letetšwe gore molekwa a laetše ka mo tlhatlogo ya theko ya makhura kgafetšakgafetša e amago meraba ya badudi ka gona. Ditheko tša dinyakwa ka moka di a namelela gomme batho ba thoma go imelwa ke bophelo. Molekwa a ka bolela ka mehuta ka moka ya makhura. [50]
- 1.3 **Ke mo ke kwelego borutho bja lerato.**  
Go letetšwe gore molekwa a tšweletše tiragalo yeo e ilego ya mo thabiša ya go laetša lerato. Molekwa a kgone go tsoša maikutlo a lethabo le tumo go mmadi. [50]
- 1.4 **Kgodišo ya bana ya sehono.**  
Go letetšwe gore molekwa a ngwale ka mokgwa wo bana ba godišwago ka gona matšatšing a lehono. A ka laetša mohola/go hloka mohola ga kgodišo ya sehono. [50]
- 1.5 **Go kaone go rutwa ka phapošeng go feta go ithuta ka dikgokagano tša theknolotši.**  
Go letetšwe gore molekwa a laetše ka mokgwa wo go rutwa ka phapošeng go nago le dipoelo tše dibotse ka gona. Ka lehlakoreng le lengwe molekwa a ka tšweletša bohlokwa bja go ithuta ka dikgokagano tša theknolotši. [50]

1.6 **Ke tshwanelo gore batho ba gapeletšwe go entelwa kgahlanong le twatši ya khorona.**

Go letetšwe gore molekwa a tšee lehlakore la go dumela goba la go ganetša. Lehlakoreng la go dumela a laetše ka mo go entelwa go ka thušago go fokotša maatla a twatši ya khorona ka gona. Lehlakoreng la go ganetša a laetše ka mo batho ba nago le tokelo ya go ikgethela go se entelwe ka gona. [50]

Tlhathollo ya ditšweletšwa tša go bonwa e akaretša mehuta ya ditaodišo ka moka. Molekwa o ikgethela seswantšho gomme a ngwala taodišo ka mohuta wo a o nyalantšhago le seswantšho seo.

1.7 Go letetšwe gore molekwa a tšweletše sengwalwa sa gagwe ka tlhathollo ya seo se tšweletšwago seswantšhong ntle le go fetola kgopolokgolo. A hlaloše ka fao bokamoso bja bana bo lego ka diatleng tša morutiši/motswadi/mohlokamedi, bj. bj. [50]

1.8 Go letetšwe gore molekwa a tšweletše sengwalwa sa gagwe ka tlhathollo ya seo se tšweletšwago seswantšhong ntle le go fetola kgopolokgolo. A hlaloše ka motho yo a kwelego bohloko le thekgo yeo a e hweditšego. [50]

**PALOMOKA YA KAROLO YA A: 50**

**KAROLO YA B: DITŠWELETŠWA TŠA TIRIŠANO****POTŠIŠO YA 2****2.1 LENGWALO LA SEGWERA (LA GO LEBOGA)****Mohlala mabapi le diteng tša sererwa:**

Go letetšwe gore molekwa a leboge batswadi ba gagwe ka *laptop* ye ba mo filego yona le ka mokgwa wo e tlogo mo thuša go dira mešomo ya sekolo ka gona.

**Sebopego le diponagalo/dinyakwa**

- Sebopego le botelele e be tša maleba.
- Atrese e be e tee fela ya mongwadi/moromedi.
- Letšatšikgweni le ngwalwe ka tlase ga atrese.
- Madume/Matseno e be a makopana a maleba.
- Diteng e be tša maleba tša go leboga.
- Retšistara le polelo e be tša go hlompha le go lokologa.
- Tšhomišopolelo, tlotlontšu le maswaodikga e be tše di nepagetšego.
- Mafelelo/Bofelo e be boitsebišo bja mongwadi ka mokgwa wa setlwaedi.  
Mohlala: Ke nna/Wa lena/Morwa wa lena/Morwedi wa lena  
Mosima
- Mongwadi wa lengwalo ga se a swanela go ngwala leina le sefane, eupša leina la gagwe fela goba sereto.  
Mohlala: Napšadi

**[25]****2.2 EMEILE****Mohlala mabapi le diteng tša sererwa:**

Go letetšwe gore molekwa a ngwale emeile ya go dira dikgopelo tša mošomo wo o kwalakwaditšwego. Emeile e laetše dimamaretšwa tša go swana le: Bohlatse bja dipelo tša mphato wa lesometee le boitsebišophelo.

**Sebopego le diponagalo/dinyakwa**

- Sebopego le botelele e be tša maleba.
- Atrese ya emeile e be ya moromelwa.
- Hlogo yeo e laetšago lebaka la go romela emeile e tšweletšwe.
- Madume/Matseno e be a makopana a semmušo.
- Diteng e be tša maleba tša go kgopela mošomo.
- Retšistara le polelo e be tša semmušo.
- Segalo e be sa maleba.
- Tšhomišopolelo, tlotlontšu le maswaodikga e be tše di nepagetšego.
- Mafelelo/Bofelo e be boitsebišo bja mongwadi ka botlalo.  
Mohlala:  
Ke nna/Wa lena  
Sebete K/Kamogelo Sebete.



**Mohlala wa Emeile:**

Go ya go: Emeile ya moromelwa ( <a href="mailto:customercare@hlatlegelang.com">customercare@hlatlegelang.com</a> )
Hlogo: Lebaka la emeile (Kgopelo ya mošomo)
Madume: Laetša tlhomphe (bjalo ka Mohlomphegi) Mmele: Diteng tša emeile <ul style="list-style-type: none"> <li>● Matseno</li> <li>● Hlaloša ditaba ka botlalo (Molekwa a laetše dimamaretšwa)</li> <li>● Mafelelo/Bofelo.</li> </ul>
Lefoko la go tswalela: <b>Dimamaretšwa</b> Dipoelo tša mphato wa lesometee Boitsebišophelo.

**[25]**2.3 **TŠA BOPHELO BJA MOHU****Mohlala mabapi le diteng tša sererwa:**

Go letetšwe gore molekwa a bontšhe gore mohu e be e le molemi wa mengwaga ye 55. Go laetšwe maikarabelo a gagwe setšhabeng.

**Sebopego le diponagalo/dinyakwa**

- Leina le sefane sa mohu
- Batswadi ba mohu
- Lefelo leo mohu a belegetšwego go lona
- Letšatši la matswalo a mohu (Go bohlokwa gore molekwa a laetše gore mohu o belegwe ka ngwaga wa 1967)
- Dithuto tšeo mohu a di fihleletšego di laetšwe.
- Go laetšwe mošomo wa bolemi.
- Ditiro tše dibotse tšeo mohu a gopolwago ka tšona
- Letšatši leo a hlokofetšego ka lona
- Seo se hlotšego lehu la gagwe
- Meloko ya kgauswi yeo mohu a e tlogetšego
- Lefoko la taelo  
Mohlala: Robala ka khutšo.
- Mohu a ka laelwa ka sereto.
- Retšistara le polelo e be tša go hlompha.
- Tšhomišopolelo, tlotlontšu le maswaodikga e be tše di nepagetšego.
- Go ngwalwe ka motho wa boraro, ka lebaka le le fetilego.

**[25]**

**2.4 LENANEOTHERO LE METSOTSO****Mohlala mabapi le diteng tša sererwa:**

Go letetšwe gore molekwa a laetše lenaneothero le metsotso ya kopano ka mananeo a go hlwekiša motse.

**Sebopego le diponagalo/dinyakwa**

- Leina la mokgatlo
- Letšatšikgwedi, lefelo le nako yeo kopano e swerwego ka yona.
- Pulo le kamogelo
- Maina a maloko ao a tlilego.
- Maina a maloko ao a kgopetšego tshwarelo.
- Kamogelo ya lenaneothero
- Palo ya metsotso ya kopano ya go feta
- Kamogelo ya metsotso
- Ditaba tša go tšwa metsotsong
- Tabakgolo ya letšatši: Mananeo a go hlwekiša motse.
- Go ngwalwe ka lebaka le le fetilego.
- Retšistara le polelo e be tša semmušo.
- Tšhomišopolelo, tlotlontšu le maswaodikga e be tše di nepagetšego.

**[25]****2.5 POLEDIŠANO****Mohlala mabapi le diteng tša sererwa:**

Go letetšwe gore molekwa a laetše poledišano gare ga Lesiba le tatagwe ka maitshwaro a gagwe a go sepela mašego le go nwa bjala.

**Sebopego le diponagalo/dinyakwa**

- Maina a batho bao ba boledišanago a tšweletšwe ka letsogong la ngele, a latelwe ke dikgorwana.
- Go šomišwe mantšu a ka mašakaneng.
- Mmadi a kgone go hwetša sererwa ge a bala.
- Bakgathatema ba se tšwe tseleng ya sererwa.
- Ba laetše tsebo ye e tseneletšego ya polelo, go swana le: polelo ya go hlalefetša, dikamano tša maatla, mekgwa ya lephelo, phedišano le setšo mabapi le ditokelo tša botho.
- Ba ka šomiša mabokgoni a go rerišana gore go fihlelelwe tumelelano.
- Go be le matseno le mafelelo a maatlakgogedi.

**[25]**

**2.6 DITSHWAYATSHWAYO****Mohlala mabapi le diteng tša sererwa:**

Go letetšwe gore molekwa a tšweletše ditiragalo, molaetša le maikutlo a gagwe ka tiragatšotšweledi ye a e bogetšego.

**Sebopego le diponagalo/dinyakwa**

- Leina la tiragatšotšweledi le gore e hwetšwa *kanaleng* efe ya thelebišene ka nako mang.
- Ngwala ka motho wa pele.
- Ngwala ka lebaka le le fetilego.
- Mahlaodi le mantšu ao a tsošago maikutlo go tšweletša dikgopolo a a nyakega.
- Retšistara le polelo e be tša maleba.
- Tšhomišopolelo, tlotlontšu le maswaodikga e be tše di nepagetšego.
- Tšweletša maikutlo a gago ka tiragatšotšweledi yeo.
- Tšweletša dintlhakgolo ka boripana.
- Kanego ya ditaba ka moka ga e nyakege, šielwa mmegelwa go ikgopolela, le go ikagela seswantšhokgopolo sa tiragatšotšweledi yeo.

**[25]****PALOMOKA YA KAROLO YA B: 50****PALOMOKA YA TLHAHLOBO: 100**